

(2) Poslove iz stava (1) ovog člana Ministarstvo obavlja uz pomoć kantonalnih upravnih ustanova i drugih stručnih institucija.

POGLAVLJE XI - KAZNE NE ODREDBE

Član 39. (Prekršaji)

(1) Za prekršaje propisane Zakonom o zaštiti zraka, primjenjuju se kaznene odredbe propisane tim Zakonom.

(2) Novčanom kaznom od 1.000 do 5.000 KM, kaznit će se za prekršaj pravno lice koje ne postupi u skladu sa odredbama člana 17., 20., 25., 26., 27., 28. i 29. ove Odluke.

(3) Za prekršaj iz stava 2. ovog člana kaznit će se i odgovorno lice u pravnom licu novčanom kaznom od 100 do 500 KM.

(4) Novčanom kaznom od 500 do 1.000 KM kaznit će se za prekršaj odgovorno lice u nadležnom organu, ako ne postupi u skladu, odnosno postupi suprotno odredbama člana 15., 16. i 18. ove Odluke.

(5) Novčanom kaznom od 100 do 300 KM kaznit će se fizičko lice koje ne postupi u skladu sa odredbama člana 26. ove Odluke.

Član 40. (Nadzor)

(1) Nadzor nad provođenjem ove Odluke obavlja Ministarstvo.

(2) Poslove inspekcijskog nadzora obavlja nadležna inspekcija.

(3) Inspektori u obavljanju inspekcijskog nadzora primjenjuju odredbe Zakona o zaštiti zraka ("Službene novine Federacije BiH", broj 33/03) i podzakonskih propisa donesenih na osnovu tog Zakona.

POGLAVLJE XII - PRELAZNE I ZAVRŠNE ODREDBE

Član 41.

(Prestanak primjene Zakona o kvalitetu zraka)

(1) Stupanjem na snagu ove Odluke prestaje primjena Zakona o kvalitetu zraka ("Službene novine Kantona Sarajevo", broj 10/99).

Član 42. (Stupanje na snagu Odluke)

(1) Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-05-19386/06
25. maja 2006. godine
Sarajevo

Predsjedavajuća
Skupštine Kantona Sarajevo
Meliha Alić, s. r.

Vlada Kantona Sarajevo

Na osnovu članova 22. i 24. stav (2) Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), a u vezi sa članom 7. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03 i 34/03) i članom 34. stav (3) Zakona o ustanovama ("Službeni list RBiH", broj 6/92, 8/93 i 13/94), Vlada Kantona Sarajevo, na 158. sjednici održanoj dana 18. maja 2006. godine, donosi

ODLUKU

O KRITERIJIMA ZA NOMINIRANJE/IMENOVANJE PREDSJEDNIKA I ČLANOVA NADZORNOG ODBORA ZAVODA ZDRAVSTVENOG OSIGURANJA KANTONA SARAJEVO

Član 1. (Predmet)

Ovom odlukom, Vlada Kantona Sarajevo utvrđuje kriterije za nominiranje/imenovanje na poziciju predsjednika i članova Nadzornog odbora Zavoda zdravstvenog osiguranja Kantona Sarajevo (u daljnjem tekstu: Zavod).

Član 2. (Opći uvjeti)

Za predsjednika i članove Nadzornog odbora Zavoda može biti nominiran/imenovan kandidat koji ispunjava slijedeće opće uvjete:

- da je državljanin Bosne i Hercegovine;
- da je stariji od 18 godina;
- da nije otpušten iz državne službe kao rezultat disciplinske mjere, na bilo kojem nivou u Bosni i Hercegovini (bilo na nivou države ili entiteta) u razdoblju od tri (3) godine prije dana objave upražnjene pozicije;
- da se na njega ne odnosi član IX stav 1. Ustava Bosne i Hercegovine;
- da nije osuđivan za kazneno djelo i privredni prijestup, nespojiv s dužnošću u Nadzornom odboru Zavoda;
- da nije izabran zvaničnik, nosilac izvršnih funkcija ili savjetnik u smislu Zakona o sukobu interesa u institucijama vlasti Bosne i Hercegovine ("Službeni glasnik BiH", broj 16/02).

Član 3. (Posebni uvjeti)

Pored ispunjavanja općih uvjeta iz člana 2. ove Odluke kandidat koji se nominira/imenuje za predsjednika i člana Nadzornog odbora Zavoda, treba da ispunjava i slijedeće posebne uvjete, i to:

- da ima VII stepen stručne spreme ekonomskog, pravnog ili zdravstvenog usmjerenja;
- da ima najmanje tri (3) godine radnog iskustva sa stručnim i profesionalnim znanjem u oblasti zdravstva;
- da nema privatni - finansijski interes u Zavodu u čiji se Nadzorni odbor kandiduje;
- da nije direktor zdravstvene ustanove, a koja ima status pravne osobe;
- da nije član više od jednog upravnog ili nadzornog odbora.

Član 4. (Sastav Nadzornog odbora)

Nadzorni odbor je organ kontrole poslovanja Zavoda, a sastoji se od 3 (tri) člana, od kojih se jedan član Nadzornog odbora imenuje iz reda stručnih radnika zaposlenih u Zavodu, uz preporuku sindikata Zavoda.

Član 5. (Zaštita ljudskih prava)

Prilikom utvrđivanja ili primjene kriterija Vlada Kantona Sarajevo neće vršiti diskriminaciju prema bilo kome na temelju rase, nacionalnog ili etničkog porijekla, boje, vjere, pola, bračnog statusa, porodičnog statusa, invalidnosti ili postojanja presude za koju je izrečeno pomilovanje.

Član 6. (Javni oglas)

(1) Na osnovu općih uvjeta utvrđenih u članu 7.1. Zakona o ministarskim, vladinim i drugim imenovanjima Federacije Bosne i Hercegovine i kriterija iz člana 2 i 3. ove odluke, ministar zdravstva u Vladi Kantona Sarajevo, shodno članu 8. citiranog Zakona, raspisuje javni oglas za imenovanje na poziciju predsjednika i članova Nadzornog odbora Zavoda u "Službenim novinama Federacije BiH" i jednom dnevnom listu velikog tiraža.

(2) Komisija za nominiranje/imenovanje predsjednika i članova Nadzornog odbora Zavoda, imenovana je od strane Vlade Kantona Sarajevo.

Član 7. (Evidencija)

Kriteriji za nominiranje/imenovanje predsjednika i članova Nadzornog odbora Zavoda čuvaju se u evidenciji Vlade Kantona Sarajevo.

Član 8.

(Stupanje na snagu i objavljivanje)

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-18482-3/06
18. maja 2006. godine
Sarajevo

Premijer
mr. Denis Zvizdić, s. r.

Na osnovu članova 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list RBiH", broj 6/92, 8/93 i 13/94) i člana 132. Zakona o srednjem obrazovanju ("Službene novine Kantona Sarajevo", broj 10/04), Vlada Kantona Sarajevo donijela je, na 155. sjednici održanoj 27. aprila 2006. godine

ODLUKU

**O DAVANJU SAGLASNOSTI ZA IMENOVANJE
DIREKTORA JAVNE USTANOVE "SREDNJA
GRAFIČKA TEHNIČKA ŠKOLA" SARAJEVO**

I

Daje se saglasnost Školskom odboru Javne ustanove "Srednja grafička tehnička škola" Sarajevo, da se KEMAL LAGUMDŽIJA, diplomirani ekonomista, imenuje za direktora Škole.

II

Ova Odluka će se objaviti u "Službenim novinama Kantona Sarajevo".

Broj 02-05-17286-9.1/06
27. aprila 2006. godine
Sarajevo

Premijer
mr. Denis Zvizdić, s. r.

Na osnovu članova 22. i 24. stav 4. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na 159. sjednici održanoj 24. maja 2006. godine, sljedeću

ODLUKU

**O DAVANJU SAGLASNOSTI UPRAVNOM ODBORU JU
"SLUŽBA ZA ZAPOŠLJAVANJE KANTONA
SARAJEVO" SARAJEVO NA ODLUKU O IZMJENAMA
I DOPUNAMA STATUTA**

I

Daje se saglasnost Upravnom odboru JU "Služba za zapošljavanje Kantona Sarajevo" Sarajevo na Odluku o izmjenama i dopunama Statuta.

II

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-19072-2/06
24. maja 2006. godine
Sarajevo

Premijer
mr. Denis Zvizdić, s. r.

Na osnovu članova 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 29. stav 2. Zakona o ustanovama ("Službeni list R. BiH", broj 6/92, 8/93 i 13/94) i člana 132. Zakona o srednjem obrazovanju ("Službene novine Kantona Sarajevo", broj 10/04), Vlada Kantona Sarajevo donijela je, na 159. sjednici održanoj 24. maja 2006. godine,

ODLUKU

**O DAVANJU SAGLASNOSTI ZA IMENOVANJE
DIREKTORA JAVNE USTANOVE "SREDNJA ŠKOLA
ZA MEDICINSKE SESTRE-TEHNIČARE" SARAJEVO**

I

Daje se saglasnost Školskom odboru Javne ustanove "Srednja škola za medicinske sestre-tehničare" Sarajevo, da se prof. MEVLIDA DAUTBEGOVIĆ, imenuje za direktora Škole.

II

Ova Odluka će se objaviti u "Službenim novinama Kantona Sarajevo".

Broj 02-05-19072-5.1/06
24. maja 2006. godine
Sarajevo

Premijer
mr. Denis Zvizdić, s. r.

Na osnovu članova 12. i 13. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj 12/03), članova 17. i 20. Odluke o usklađivanju statusa DD PD "Butmir" Ilidža ("Službene novine Kantona Sarajevo", broj 6/06) i članova 22. i 24. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo, na 158. sjednici, održanoj 18. maja 2006. godine, donijela je

RJEŠENJE

**O IMENOVANJU NADZORNOG ODBORA KJP
"POLJOPRIVREDNO DOBRO BUTMIR" D.O.O.
SARAJEVO-ILIDŽA**

I

Za članove Nadzornog odbora KJP "Poljoprivredno dobro Butmir" d.o.o. Sarajevo-lidža, imenuju se:

1. MUFIK MUSLIĆ, predsjednik
2. BRANISLAVA MILIĆ, član
3. SAFET HASKOVIĆ, član

II

Članovi Nadzornog odbora imenuju se na period od 4 (četiri) godine.

III

Ovo Rješenje stupa na snagu danom donošenja, a objavit će se u "Službenim novinama Federacije BiH" i "Službenim novinama Kantona Sarajevo".

Broj 02-05-18482-9/06
18. maja 2006. godine
Sarajevo

Premijer
mr. Denis Zvizdić, s. r.

Na osnovu članova 22. i 24. stav 3. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), Vlada Kantona Sarajevo donijela je, na 158. sjednici održanoj 18. maja 2006. godine, sljedeće

RJEŠENJE

**O RAZRJEŠENJU SUDIJE KANTONALNOG SUDA ZA
PREKRŠAJE**

I

MUNIRA HAJDAREVIĆ, diplomirani pravnik iz Sarajeva, razrješava se dužnosti sudije Kantonalnog suda za prekršaje, radi prelaska na novu dužnost.

II

Ovo Rješenje stupa na snagu 20. 4. 2006. godine, a objavit će se u "Službenim novinama Kantona Sarajevo".

Broj 02-05-18482-10/06
18. maja 2006. godine
Sarajevo

Premijer
mr. Denis Zvizdić, s. r.